



FOND ZA PROFESIONALNU REHABILITACIJU I ZAPOŠLJAVANJE OSOBA SA INVALIDITETOM

Na osnovu Odluke Upravnog odbora o objavljivanju Javnog poziva za dodjelu sredstava za financiranje i sufinansiranje programa održivosti zaposlenosti osoba s invaliditetom u 2020. godini, broj:01-04-5-4110/20 od 22.04.2020. godine, u skladu sa odredbama Zakona o profesionalnoj rehabilitaciji, osposobljavanju i zapošljavanju osoba s invaliditetom („Sl. novine FBiH“ 9/10, u daljem tekstu: Zakon), Pravilnikom o raspodjeli sredstava za financiranje/sufinanciranje programa održivosti zaposlenosti, razvoja privrednih društava za zapošljavanje osoba sa invaliditetom i zaštitnih radionica, te programa profesionalne rehabilitacije osoba sa invaliditetom broj: 01-02-2-3058/20 od 20.03.2020. godine i Pravilnikom o izmjenama i dopunama Pravilnika o raspodjeli sredstava za financiranje/sufinanciranje programa održivosti zaposlenosti, razvoja privrednih društava za zapošljavanje osoba sa invaliditetom i zaštitnih radionica, te programa profesionalne rehabilitacije osoba sa invaliditetom broj: 01-02-2-4109/20 od 22.04.2020. godine (u daljem tekstu: Pravilnik), Fond za profesionalnu rehabilitaciju i zapošljavanje osoba sa invaliditetom objavljuje:

JAVNI POZIV

za dodjelu sredstava za financiranje i sufinansiranje programa održivosti zaposlenosti osoba sa invaliditetom u 2020. godini

I PREDMET JAVNOG POZIVA

Predmet javnog poziva je izbor programa održivosti zaposlenosti osoba s invaliditetom (LOT I, LOT IV i LOT V), koji će sudjelovati u raspodjeli sredstava Fonda za profesionalnu rehabilitaciju i zapošljavanje osoba s invaliditetom (u daljem tekstu: Fond) za financiranje/sufinanciranje programa u 2020. godini.

Ukupan iznos sredstava koja se dodjeljuju po ovom javnom pozivu je **3.950.000,00 KM**, raspoređenih na tri LOT-a prema oblastima na koje se programi odnose, tj. shodno projektnim ciljevima i aktivnostima, te potrebama osoba s invaliditetom, kako slijedi:

- **Lot I:** Za financiranje/sufinanciranje programa za održavanje postojeće razine zaposlenosti osoba sa invaliditetom – **2.450.000,00 KM;**
- **Lot IV:** Za financiranje/sufinanciranje programa održivosti zaposlenosti osoba sa invaliditetom koje obavljaju samostalnu djelatnost ili poljoprivrednu djelatnost kao jedino i glavno zanimanje uključujući i osobe sa invaliditetom koje su zaposlene u skladu sa člankom 56. stavak 2. i 3. Zakona -**1.300.000,00 KM;**
- **Lot V:** Za financiranje/sufinanciranje programa održivosti zaposlenosti osoba sa invaliditetom zaposlenih u organizacijama osoba sa invaliditetom - **200.000,00 KM.**

II USLOVI, PRAVO SUDJELOVANJA I NAMJENE

Posebno obavještenje:

- U skladu sa članom 9 a Pravilnika o izmjenama i dopunama Pravilnika o raspodjeli sredstava za financiranje/sufinanciranje programa održivosti zaposlenosti, razvoja privrednih društava za zapošljavanje osoba sa invaliditetom i zaštitnih radionica, te programa profesionalne rehabilitacije osoba sa invaliditetom broj: 01-02-2-4109/20 od 22.04.2020. godine, a u usljed situacije uzrokovane pandemijom koronavirusa Covid-19, u cilju održivosti zaposlenosti osoba sa invaliditetom, u okviru Lotova I, IV i V pored namjena definiranih Pravilnikom o raspodjeli sredstava za financiranje/sufinanciranje programa održivosti zaposlenosti, razvoja privrednih društava za zapošljavanje osoba sa invaliditetom i zaštitnih radionica, te programa profesionalne rehabilitacije osoba sa invaliditetom broj: 01-02-2-3058/20 od 20.03.2020. godine, odobrava se planiranje i utrošak sredstva za namjenu – financiranje/sufinanciranje neto plaće za zaposlene osobe sa invaliditetom.
- Navedena namjena se može planirati u okviru programa održivosti zaposlenosti (Lot I, IV, i V) u privrednim duštvima za zapošljavanje osoba sa invaliditetom, zaštitnim radionicama, organizacijama osoba sa invaliditetom, za osobe sa invaliditetom koje obavljaju samostalnu djelatnost ili poljoprivrednu djelatnost kao jedino i glavno zanimanje uključujući i osobe sa invaliditetom koje su zaposlene u skladu sa člankom 56. stavak 2. i 3. Zakona.
- Pravo na iznad definiranu namjenu imaju osobe sa invaliditetom koje ispunjavaju uvjete definirane člankom 15. stavak (6) Zakona o profesionalnoj rehabilitaciji, osposobljavanju i zapošljavanju osoba sa invaliditetom.
- Namjena financiranja/sufinanciranja neto plaće za zaposlene osobe sa invaliditetom može se planirati za osobe za koje se kod Fonda ostvaruje pravo na novčanu nadoknadu a za koje nije aktivna podrška kroz mjeru novčanog stimulansa.
- Najveći iznos koji se može financirati/sufinancirati po jednoj zaposlenoj osobi sa invaliditetom za predmetnu namjenu je 300,00 KM mjesečno.
- Za zaposlenu osobu sa invaliditetom koja ostvaraju pravo na subvenciju neto plaće, može se odobriti financiranje/sufinanciranje neto plaće u iznosu koji sa subvencijom neto plaće isplaćene prema posljednjem obračunu novčane naknade iz 2020. godine ne prelazi iznos od 450,00 KM.
- Namjena financiranja/sufinanciranja neto plaće za zaposlene osobe sa invaliditetom se može planirati za vremensko razdoblje od šest mjeseci.
- Za iznad navedenu namjenu ne mogu aplicirati privredna društva i organizacije osoba sa invaliditetom koja su uslijed pandemije koronavirusa Covid-19 otpustili osobe sa invaliditetom.
- Ukoliko u toku trajanja programa dođe do prekida radnog odnosa za osobu sa invaliditetom za koju je dodijeljena namjena financiranje/sufinanciranje neto plaće za zaposlene osobe sa invaliditetom, korisnik sredstava će izvršiti povrat cijelokupnog iznosa koji je dodijeljen za navedenu osobu za predmetnu namjenu.

Potrebno je da podneseni programi prema oblastima i grupama, kao i njihovi nositelji ispunjavaju određene zahtjeve i uvjete za sudjelovanje u raspodjeli sredstava Fonda u okviru svakog LOT-a, kako slijedi:

Za sredstva iz Lot I: Za financiranje/sufinanciranje programa za održavanje postojeće razine zaposlenosti osoba sa invaliditetom:

Pravo sudjelovanja po Lotu I imaju privredna društva za zapošljavanje osoba sa invaliditetom i zaštitne radionice.

Programi koji se financiraju/sufinanciraju iz Lota I mogu se odnositi na jednu ili više sljedećih potreba i aktivnosti:

- Nabavka i održavanje sredstava i opreme za rad;
- Nabavka specijalnih pomagala i opreme za radne potrebe osoba sa invaliditetom;
- Nabavka roba, materijala i sirovina, koji ne mogu biti predmetom neposredne preprodaje, nego isti moraju biti upotrebljeni kroz program;
- Adaptacija ili proširenje radnog prostora ukoliko je vezan uz prilagođavanje radnog prostora potrebama osoba sa invaliditetom - najviše do 10% od ukupnog iznosa koji se može dodijeliti po jednom programu;
- Reparacija specijalnih pomagala i opreme;
- Sufinanciranje režijskih, komunalnih troškova i troškova zakupa prostora - najviše do 10% od ukupnog iznosa koji se može dodijeliti po jednom programu;
- Financiranje/sufinanciranje neto plaće za zaposlene osobe sa invaliditetom.

Uvjeti za dodjelu sredstava za financiranje/sufinanciranje programa iz Lota I su:

- Da subjekat ima status privrednog društva za zapošljavanje osoba sa invaliditetom;
- Da privredno društvo ili zaštitna radionica nema duga po osnovu javnih prihoda i duga po osnovu indirektnih poreza ili da ima zaključen sporazum sa Poreznom upravom FBiH ili upravom za indirektno oporezivanje o obročnom izmirenju duga i tu obavezu uredno izmiruje;
- Da nije došlo do smanjenja broja zaposlenih osoba sa invaliditetom u odnosu na prethodnu godinu usljed neopravdanog otpuštanja radnika od strane poslodavca. Smanjenje broja zaposlenih osoba sa invaliditetom smatra se opravdanim u slučaju da je do istog došlo: a) penzionisanjem zaposlene osobe sa invaliditetom; b) gubljenjem invalidskog statusa zaposlene osobe sa invaliditetom ili umanjnjem procenta invaliditeta ispod 60%; c) smrću uposlene osobe sa invaliditetom; d) raskidom ugovora o radu do kojeg je došlo zbog dokumentovane teže povrede radnih obaveza od strane osobe sa invaliditetom ili e) raskidom ugovora o radu sa osobom sa invaliditetom na njen zahtjev, ukoliko zahtjev nije posljedica nesavjesnog odnosa poslodavca prema zaposlenoj osobi sa invaliditetom, odnosno nepoštivanja zakonom zagarantovanih prava osobe;
- Da iskazane potrebe i aktivnosti budu na odgovarajući način pojašnjene i obrazložene, specificirane u finansijskom planu i potkrijepljene odgovarajućim ponudama/predračunima i drugim relevantnim dokazima;
- Da privredno društvo ili zaštitna radionica nema iskazan gubitak u prethodnoj godini;
- Da privredno društvo ili zaštitna radionica nije niti u postupku stečaja niti likvidacije;
- Da privredno društvo ili zaštitna radionica nije registrirano/osnovano u tekućoj godini;
- Da dostavi validne dokumente tražene javnim pozivom.

Maksimalan iznos za koji se može aplicirati po jednom programu/subjektu iz LOT-a I je **50.000,00 KM.**

Za sredstva iz Lot IV: Za financiranje/sufinanciranje programa održivosti zaposlenosti osoba sa invaliditetom koje obavljaju samostalnu djelatnost ili poljoprivrednu djelatnost kao jedino i glavno zanimanje uključujući i osobe sa invaliditetom koje su zaposlene u skladu sa člankom 56. stavak 2. i 3. Zakona:

Programi koji se financiraju/sufinanciraju iz Lota IV mogu se odnositi na sljedeće potrebe i aktivnosti:

- Nabavka ili reparacija potrebnih sredstava rada, specijalnih pomagala i opreme (navedeno ne uključuje ortopedska pomagala na koje osobe sa invaliditetom imaju pravo po drugim zakonskim osnovama);
- Pобоljšanje uvjeta rada, adaptacija radnog prostora i njihovo prilagođavanje potrebama osoba sa invaliditetom;
- Nabavka roba, materijala i sirovina koji ne mogu biti predmetom neposredne preprodaje, nego isti moraju biti upotrebljeni za programske aktivnosti;
- Sufinanciranje troškova asistencije u radu i drugih tekućih troškova;
- Financiranje/sufinanciranje neto plaće za zaposlene osobe sa invaliditetom.

Uvjeti za dodjelu sredstava za financiranje/sufinanciranje programa iz ove oblasti su:

Da korisnik sredstava u momentu objavljivanja javnog poziva ne koristi novčani stimulanis za samozapošljavanje od Fonda, odnosno da je proteklo 18 mjeseci od dana dodjele sredstava novčanog stimulanisa;

- Da osobe koje ostvaruju pravo po članku 56. stavak 2. i 3. Zakona u momentu objavljivanja javnog poziva ne koriste pravo na novčani stimulanis za zapošljavanje od Fonda, odnosno da je proteklo 18 mjeseci od dana dodjele sredstava novčanog stimulanisa;
- Da korisnik sredstava nema duga po osnovu javnih prihoda i duga po osnovu indirektnih poreza ili da ima zaključen sporazum sa Poreznom upravom FBiH ili Upravom za indirektno oporezivanje o obročnom izmirenju duga, i tu obavezu uredno izmiruje;
- Da iskazane potrebe i aktivnosti za koje se programom traži finansijska podrška budu na odgovarajući način pojašnjene i obrazložene i potkrijepljene odgovarajućim ponudama / predračunima;
- Da obrt nema iskazan gubitak u prethodnoj godini;
- Da dostavi validne dokumente tražene javnim pozivom.

Maksimalan iznos koji se može dodijeliti po jednom programu profesionalne rehabilitacije za osobe s invaliditetom koje samostalno apliciraju u okviru LOT-a IV je **5.000,00 KM**.

Za sredstva iz Lot V: Za financiranje/sufinanciranje programa održivosti zaposlenosti osoba sa invaliditetom zaposlenih u organizacijama osoba sa invaliditetom

Programi koji se financiraju/sufinanciraju iz Lota V mogu se odnositi na sljedeće potrebe i aktivnosti:

- Nabavka sredstava i opreme za rad;
- Nabavka specijalnih pomagala i opreme za radne potrebe osoba sa invaliditetom;
- Sufinanciranje režijskih, komunalnih troškova i troškova zakupa prostora;
- Financiranje/sufinanciranje neto plaće za zaposlene osobe sa invaliditetom.

Uvjeti za dodjelu sredstava za financiranje/sufinanciranje programa iz ove oblasti su:

- Da organizacija osoba sa invaliditetom ima klasifikaciju djelatnosti: 88.10, 88.91 ili 85.321;
- Da organizacija osoba sa invaliditetom iz prethodne točke ima zaposlenu minimalno jednu osobu sa invaliditetom koja ispunjava uvjete iz članka 15. stavak (6) Zakona;
- Da organizacija osoba sa invaliditetom nema duga po osnovu javnih prihoda i duga po osnovu indirektnih poreza ili da ima zaključen sporazum sa Poreznom upravom FBiH ili Upravom za indirektno oporezivanje o obročnom izmirenju duga i tu obavezu uredno izmiruje;
- Da nije došlo do neopravdanog otpuštanja osoba sa invaliditetom zaposlenih sredstvima Fonda od strane poslodavca. Opravdanim prekidom radnog odnosa podrazumjeva se: a) penzionisanjem zaposlene osobe sa invaliditetom; b) gubljenjem invalidskog statusa zaposlene osobe sa invaliditetom ili umanjnjem procenta invaliditeta ispod 60%; c) smrću uposlene osobe sa invaliditetom; d) raskidom ugovora o radu do kojeg je došlo zbog dokumentovane teže povrede radnih obaveza od strane osobe sa invaliditetom ili e) raskidom ugovora o radu sa osobom sa invaliditetom na njen zahtjev, ukoliko zahtjev nije posljedica nesavjesnog odnosa poslodavca prema zaposlenoj osobi sa invaliditetom, odnosno nepoštivanja zakonom zagaranovanih prava osobe;
- Da iskazane potrebe i aktivnosti budu na odgovarajući način pojašnjene i obrazložene, specificirane u financijskom planu i potkrijepljene odgovarajućim ponudama-predračunima i drugim relevantnim dokazima;
- Da organizacija osoba sa invaliditetom nije registrirana/osnovana u tekućoj godini;
- Da dostavi validne dokumente tražane javnim pozivom.

Uvjet za dobivanje sredstva po Lot-u V koje treba da ispuni osoba/e sa invaliditetom za koju/e se aplicira:

- Da osoba/e sa invaliditetom za koje se aplicira na Lot V u trenutku objavljivanja javnog poziva ne koristi/e novčani stimulan odnosno da je proteklo 18 mjeseci od dana dodijele sredstava novčanog stimulanisa;
- Da osoba sa invaliditetom ispunjava uvjete iz članka 15. stavak (6) Zakona;
- Da je osoba sa invaliditetom zaposlena na neodređeno vrijeme.

Maksimalan iznos koji se može dodijeliti po jednom programu održivosti zaposlenosti osoba sa invaliditetom zaposlenih u organizacijama osoba sa invaliditetom Lot-a V je **5.000,00 KM**.

III NAČIN APLICIRANJA

Aplikanti podnose prijedloge programa na odgovarajućem aplikacijskom obrascu Fonda i to:

- Za sredstva iz **LOT-a I** za programe održavanje postojeće razine zaposlenosti osoba sa invaliditetom **JPA L-1**;
- Za sredstva iz **LOT-a IV** za programe održivosti zaposlenosti osoba sa invaliditetom koje obavljaju samostalnu djelatnost ili poljoprivrednu djelatnost kao jedino i glavno zanimanje uključujući i osobe sa invaliditetom koje su zaposlene u skladu sa članom 56. stav 2. i 3. Zakona na aplikacijskom obrascu **SP JPA L-4**;
- Za sredstva iz **LOT-a V** za financiranje/sufinanciranje programa održivosti zaposlenosti osoba sa invaliditetom zaposlenih u organizacijama osoba sa invaliditetom na aplikacijskom obrascu **ORG JPA L-5**.

Aplikacijski obrazac se može preuzeti:

- u prostorijama Fonda za profesionalnu rehabilitaciju i zapošljavanje osoba s invaliditetom, ul. Vilsonovo šetalište br. 10, 71 000 Sarajevo;
- na internet stranici Fonda: www.fond.ba.

NAPOMENA!

U skladu sa Odlukom Upravnog odbora br. 01-05-5-1832/16 od 22.03.2016. godine i Odlukom o dopunama Odluke br. 01-05-5-1832/16 od 22.03.2016. godine usvojenoj 08.09.2016. godine (br. Odluke: 01-05-5-6351/16), prilikom dostavljanja dokaza o invaliditetu prema potrebama javnog poziva obavezno se dostavlja validan dokaz o invaliditetu kako slijedi:

- Za kategoriju „neratnih invalida“ – uvažava se svaki nalaz, ocjena i mišljenje Instituta za medicinsko vještačenje izdato u razdoblju od 2007. godine do danas ili rješenje centra za socijalni rad izdato na osnovu gore navedenog nalaza, ocjene i mišljenja Instituta za medicinsko vještačenje (original ili ovjerena kopija).
- Kategorija lica sa mentalnom retardacijom /intelektualnim teškoćama – bilo koji akt (rješenje, potvrda, uvjerenje, nalaz) nadležnog organa, iz kojeg je vidljivo da se radi o licu sa lakom ili umjerenom mentalnom retardacijom ili nalaz, ocjena i mišljenje Instituta za medicinsko vještačenje, koje se smatra važećim za kategoriju „neratnih invalida“ (original ili ovjerena kopija).
- Za kategoriju ratnih vojnih invalida – kao dokaz se uvažava nalaz, ocjena i mišljenje Instituta za medicinsko vještačenje donesen nakon početka postupka revizije u julu/srpnju 2010. godine, ukoliko je iz nalaza moguće utvrditi da se radi o tzv. „revizionom nalazu“ (ovjerena kopija) i odgovarajuća potvrda/uvjerenje nadležne službe za boračko/braniteljsko-invalidsku zaštitu o utvrđenom procentu vojnog invaliditeta ne starija od 15 dana od dana podnošenja zahtjeva (original).
- Za kategoriju ratnih vojnih invalida koji su u postupku revizije izvedeni iz prava, a koji su tužili i gdje je presudom Vrhovnog suda Federacije BiH rješenje nadležnog federalnog ministarstva poništeno i predmet vraćen na ponovni postupak, kao dokaz se uvažava ovjerena kopija naprijed navedene presude uz priloženu informaciju od nadležne službe za boračko/braniteljsko-invalidsku zaštitu u kojoj fazi je predmetni postupak, te ako je završen kakvo je rješenje doneseno (original).
- Za kategoriju civilnih žrtava rata – kao dokaz se uvažava, kao i kod „neratnih“ invalida, svaki nalaz, ocjena i mišljenje Instituta za medicinsko vještačenje izdat u razdoblju od 2007. godine do danas ili rješenje nadležne službe socijalne zaštite o utvrđenom procentu tjelesnog oštećenja, odnosno potvrda/uvjerenje ove službe (original ili ovjerena kopija).
- Svim osobama kojim je invaliditet utvrđen u skladu sa Pravilnikom o utvrđivanju vojnog invaliditeta („Službene novine FBiH“ 41/04), uvažava se nalaz, ocjena ili mišljenje doneseno na osnovu navedenog akta, uključujući neratne i druge invalide kojim je invaliditet utvrđen na osnovu iznad navedenog Pravilnika.

IV POTREBNA DOKUMENTACIJA

Posebno obavještenje:

Ukoliko neki od dokumenata koji su propisani kao obavezan dio dokumentacije u okviru javnog poziva ne bude dostavljen u originalu ili ne bude uopće dostavljen uz aplikaciju zbog situacije uzrokovane pandemijom koronavirusa Covid-19, aplikant je dužan uz aplikaciju

dostaviti originalno obrazloženje potpisano i ovjereno pečatom u kojem navodi razloge ne dostavljanja određene dokumentacije a komisija će procijeniti opravdanost nedostavljanja dokumentacije. Navedeni dokumenti obavezno se dostavljaju najkasnije prilikom potpisivanja ugovora sa Fondom u protivnom ugovor o dodijeli sredstava neće biti potpisan.

1) Odredba iz prethodnog stavka odnosi se na sljedeće dokumente:

- Uvjerenje da subjekt nema duga po osnovu javnih prihoda izdano od Porezne uprave FBiH, ne starije od dana objavljivanja javnog poziva (original);
- Uvjerenje da subjekt nema duga po osnovu indirektnih poreza izdano od Uprave za indirektno oporezivanje, ne starije od dana objavljivanja javnog poziva (original).
- Potvrda poslovne banke da podnositelj zahtjeva nema blokiran glavni transakcijski račun (potvrda o solventnosti) – ne starija od dana objavljivanja javnog poziva (original).
- Izvod iz sudskog registra, ne stariji od tri mjeseca od dana objavljivanja javnog poziva (original);
- Izvod iz registra udruženja izdat od Ministarstva pravde, ne stariji od dana objavljivanja javnog poziva (original).

Ukoliko se iz dokumentacije dostavljene prilikom potpisivanja ugovora ustanovi da neki od uvjeta javnog poziva nisu ispunjeni, ugovor o dodijeli sredstava neće biti potpisan.

Fond zadržava pravo provjere činjenica vezanih uz program u toku procedure vrednovanja programa, da zatraži dodatne informacije, kraće periodične izvještaje i da ovlaštenu radnik Fonda ostvari neposrednu kontrolu kod korisnika, kako bi se izvršio uvid u ispunjavanje uvjeta i obaveza utvrđenih ugovorom o dodijeli sredstava za financiranje/sufinanciranje programa.

Uz uredno popunjen aplikacijski obrazac za podnošenje prijedloga programa, u okviru **LOT-ova I, IV i V** podnositelj obavezno prilaže sljedeće dokumente:

- Rješenje o registraciji poslodavca (isključivo prvo izdano rješenje o registraciji), odnosno rješenje o registraciji odgovarajućeg oblika obavljanja samostalne djelatnosti (ovjerena kopija);
- Rješenje o razvrstavanju subjekta prema djelatnosti – statistika (ovjerena kopija);
- PDV broj ako je subjekt registriran kao PDV obveznik (ovjerena kopija);
- Lista osiguranih lica kod Porezne uprave FBiH – ne starija od dana objavljivanja javnog poziva (original);
- Bilanca stanja i bilanca uspjeha za prethodnu godinu (ovjerena kopija). Za osobe koje obavljaju samostalnu ili poljoprivrednu djelatnost Obrazac SPR 1053 za prethodnu godinu (ovjerena kopija), a za one koji porez na dohodak plaćaju paušalno akt nadležnog organa kojim se odobrava paušalno plaćanje poreza na dohodak (ovjerena kopija).
- Uvjerenje da subjekt nema duga po osnovu javnih prihoda izdano od Porezne uprave FBiH, ne starije od dana objavljivanja javnog poziva (original);
- Uvjerenje da subjekt nema duga po osnovu indirektnih poreza izdano od Uprave za indirektno oporezivanje, ne starije od dana objavljivanja javnog poziva (original). Ukoliko korisnik sredstava nije obveznik indirektnog oporezivanja dostavlja originalnu izjavu ovjerenu pečatom i potpisom;
- Potvrda poslovne banke da podnositelj zahtjeva nema blokiran **glavni** transakcijski račun (potvrda o solventnosti) – ne starija od dana objavljivanja javnog poziva (original).
- Aplikanti koji imaju utvrđen porezni dug ili dug po osnovu indirektnih poreza, a koji imaju

zaključen sporazum sa Poreznom upravom FBiH ili Upravom za indirektno oporezivanje o obročnom izmirenju duga, i tu obavezu uredno izmiruju dužni su uz aplikaciju dostaviti ovjerenu kopiju sporazuma sa Poreznom upravom FBiH ili Upravom za indirektno oporezivanje o obročnom izmirenju duga i original ili ovjerenu kopiju dokumenta od Porezne uprave FBiH ili Uprave za indirektno oporezivanje iz kojeg je vidljivo da se obaveze o obročnom izmirenju duga uredno izmiruju u skladu sa sporazumom o obročnom izmirenju duga (dokument ne stariji od dana objavljivanja javnog poziva).

Ovisno o Lotu za koji se aplicira, aplikanti su dužni dostaviti i sljedeću dodatnu dokumentaciju:

LOT I

- Biznis plan;
- Izvod iz sudskog registra, ne stariji od tri mjeseca od dana objavljivanja javnog poziva (original);
- Originalnu izjavu da nije došlo do smanjenja broja zaposlenih osoba sa invaliditetom u odnosu na prethodnu godinu;
- Dokaz da je privredno društvo ili zaštitna radionica zaposlene osobe s invaliditetom zadržalo u radnom odnosu, ili dokaz da je u skladu sa Ugovorom izvršena zamjena odnosno zapošljavanje nove osobe sa invaliditetom, ili dokaz da je do smanjenja broja zaposlenih osoba sa invaliditetom došlo uslijed opravdanih razloga – ovjerena kopija dokumenta koji dokazuje razlog raskida ugovora: rješenje o penzionisanju, rješenje o umanjenju ili ukidanju invalidskog statusa, smrtni list, sporazumni raskid ugovora, rješenje o otkazu ugovora o radu sa popratnom dokumentacijom, otkaz osobe sa invaliditetom sa navedenim razlogom, itd.; Navedena dokumentacija se dostavlja za slučajeve raskida ugovora koji su nastali od posljednjeg javnog poziva na kojem je subjekat uvršten u raspodijelu sredstva Fonda.
- Odgovarajući predračuni, ponude i drugi relevantni dokazi za aplicirane nabavke, kupovinu, adaptaciju ili najam.
- Financijski izvještaj o prihodima i rashodima sredstava posebne namjene za prethodnu godinu za sve obveznike po članu 55. Zakona ili originalnu izjavu da do ostvarenja prihoda i rashoda po navedenom osnovu u prethodnoj godini nije došlo.
- Dokaz o vlasništvu, posjedu ili najmu objekta na razdoblje ne kraće od 5 godina od dana apliciranja, ukoliko subjekt aplicira za namjenu „Adaptacija ili proširenje radnog prostora ukoliko je vezan uz prilagođavanje radnog prostora potrebama osoba sa invaliditetom“ (zemljišno-knjižni izvadak, posjedovni list, ugovor o najmu ili akt nadležnog organa – ovjerena kopija). Ugovor o najmu treba biti ovjeren u Poreznoj upravi FBiH.
- Tabela prikaz svih osoba sa invaliditetom koje su zaposlene u privrednom društvu za zapošljavanje osoba sa invaliditetom ili zaštitnoj radionici. Tabela zaposlenih osoba mora sadržavati najmanje ime i prezime osobe, vrstu i stepen invaliditeta, period na koji su navedene osobe zaposlene;

LOT IV

- Dokaz o invaliditetu za osobe obuhvaćene programom održivosti zaposlenosti: za osobe koje obavljaju samostalnu djelatnost ili poljoprivrednu djelatnost kao jedino i glavno zanimanje, uključujući i osobe sa invaliditetom koje su zaposlene u skladu sa člankom 56. stavak 2. i 3. Zakona (ovjerena kopija)
- Osobe sa invaliditetom koje su zaposlene u skladu sa člankom 56. stavak 2. i 3. Zakona, a

apliciraju na sredstva iz Lot-a IV, dužne su dostaviti rodni ili vjenčani list kojim dokazuju rodbinsku/bračnu vezu (ovjerena kopija);

- Odgovarajući predračuni ili ponude za aplicirane namjene.

LOT V

- Izvod iz registra udruženja izdat od Ministarstva pravde, ne stariji od dana objavljivanja javnog poziva (original);
- Dokaz da je organizacija osoba sa invaliditetom zaposlene osobe s invaliditetom uz podršku Fonda (novčani stimulans) zadržalo u radnom odnosu ili dokaz da je u skladu sa Ugovorom izvršena zamjena odnosno zapošljavanje nove osobe sa invaliditetom, ili dokaz da je do raskida ugovora sa osobama sa invaliditetom došlo uslijed opravdanih razloga – ovjerena kopija dokumenta koji dokazuje razlog raskida ugovora: rješenje o penzionisanju, rješenje o umanjenju ili ukidanju invalidskog statusa, smrtni list, sporazumni raskid ugovora, rješenje o otkazu ugovora o radu sa popratnom dokumentacijom, otkaz osobe sa invaliditetom sa navedenim razlogom itd.; Navedena dokumentacija se dostavlja za slučajeve raskida ugovora koji su nastali od posljednjeg javnog poziva na kojem je subjekat uvršten u raspodijelu sredstva Fonda.
- Odgovarajući predračuni, ponude i drugi relevantni dokazi za aplicirane namjene;
- Dokaz o invaliditetu za zaposlene osobe sa invaliditetom u organizaciji (ovjerena kopija);
- Ugovori o radu za zaposlene osobe sa invaliditetom (original ili ovjerena kopija).

Vrsta dokaza o invaliditetu koji se prilaže za određene kategorije i vrste invaliditeta preciznije su određene u poglavlju III NAČIN APLICIRANJA javnog poziva.

IV VREDNOVANJE APLIKACIJA

Vrednovanje pristiglih aplikacija vrši komisija koju imenuje Upravni odbor Fonda, a u skladu sa odredbama Pravilnika o raspodjeli sredstava za financiranje/sufinanciranje programa održivosti zaposlenosti, razvoja privrednih društava za zapošljavanje osoba sa invaliditetom i zaštitnih radionica, te programa profesionalne rehabilitacije osoba sa invaliditetom broj: 01-02-2-3058/20 od 20.03.2020. godine koji je dostupan na internet stranici Fonda, www.fond.ba.

Sa aplikantima koji Odlukom Upravnog odbora budu uvršteni u raspodijelu sredstava zaključuje se ugovor kojim su detaljnije definirana međusobna prava i obveze.

Vremenski okvir za implementaciju programa je devet mjeseci.

V PODNOŠENJE APLIKACIJE

Popunjen aplikacijski obrazac sa ostalom dokumentacijom potrebno je dostaviti u zatvorenoj koverti lično ili putem pošte na adresu:

Fond za profesionalnu rehabilitaciju i zapošljavanje osoba sa invaliditetom
Vilsonovo šetalište br. 10
71000 Sarajevo, BiH
sa naznakom „Javni poziv 2020. – financiranje/sufinanciranje programa – NE OTVARATI“

Javni poziv ostaje otvoren 30 dana od dana objavljivanja, a zaključno sa 24.05.2020. godine.

Obavijest o objavljivanju Javnog poziva se objavljuje u najmanje dva dnevna lista, dok se cijeloviti tekst Javnog poziva objavljuje na službenoj internet stranici Fonda www.fond.ba.

Konsultacije i eventualna pojašnjenja javnog poziva mogu se obaviti na telefon: 033/717-740.

Rok za dostavu prigovora/upita na objavljene rezultate javnog poziva je osam dana, od datuma objave rezultata na internet stranici Fonda.

Nepotpuni i neblagovremeni zahtjevi neće biti uzeti u razmatranje.

Dostavljenu dokumentaciju u okviru Javnog poziva Fond neće vraćati aplikantima.

Datum objave: 24.04.2020. godine.